

արձանագրում է, որ «Պրեմիում լոու» ՍՊ ընկերության (Կատարող) և «Մալկ» ՍՊ ընկերության (Պատվիրատու) միջև 13.04.2026թ. կնքվել է Փաստաբանական ծառայությունների մատուցման վերաբերյալ պայմանագիր, որի 1.1, 2.1 և 2.2 կետերի համաձայն՝ Կատարողը պարտավորվում է իրականացնել Պատվիրատուի իրավունքների և օրինական շահերի պաշտպանությունը Երևան քաղաքի առաջին ատյանի ընդհանուր իրավասության քաղաքացիական դատարանում ընդդեմ ՀՀ Շիրակի մարզի «Գյումրու համայնքապետարանի աշխատակազմ» ՀԿՀ-ի՝ թիվ ՀՀՇՄԳՀՀԿՀՀԲՄԾՁԲ-31/26 ծածկագրով հրատապ բաց մրցույթ գնման ընթացակարգը չկայացած հայտարարելու մասին որոշումը (հայտարարությունն) անվավեր ճանաչելու, թիվ ՀՀՇՄԳՀՀԿՀՀԲՄԾՁԲ-31/26 ծածկագրով գնման ընթացակարգը շարունակելուն պարտավորեցնելու պահանջների շրջանակներում, որի գինը կազմում է 250,000.00 ՀՀ դրամ (դրական ելքի դեպքում + ևս 100,000.00 ՀՀ դրամ):

Քննարկվող պարագայում Հայցվորի ներկայացուցիչը ներկայացրել է հայցադիմում և կից փաստաթղթեր, գործը քննվել է գրավոր ընթացակարգով, հայցը ենթակա է բավարարման, որպիսի պարագայում Դատարանը եզրահանգում է, որ որպես փաստաբանի խելամիտ վարձատրության գումար պետք է համարել 150,000.00 ՀՀ դրամը, հետևաբար՝ Պատասխանողից հոգուտ Հայցվորի ենթակա է բռնագանձման 150,000.00 ՀՀ դրամ՝ որպես փաստաբանի խելամիտ վարձատրության գումար:

Հիմք ընդունելով վերոգրյալը և ղեկավարվելով ՀՀ քաղաքացիական դատավարության օրենսգրքի 191, 192 և 234.12 հոդվածներով, Դատարանը

Վ Ճ Ո Ւ Յ

«Մալկ» ՍՊ ընկերության հայցն ընդդեմ ՀՀ Շիրակի մարզի Գյումրու համայնքի՝ թիվ ՀՀՇՄԳՀՀԿՀՀԲՄԾՁԲ-31/26 ծածկագրով գնման ընթացակարգը չկայացած հայտարարելու մասին 2026թ. ապրիլի 6-ի որոշումն անվավեր ճանաչելու և ընթացակարգն ընդհատված պահից շարունակելուն պարտավորեցնելու պահանջների մասին, բավարարել:

Անվավեր ճանաչել թիվ ՀՀՇՄԳՀՀԿՀՀԲՄԾՁԲ-31/26 ծածկագրով գնման ընթացակարգը չկայացած հայտարարելու մասին 2026թ. ապրիլի 6-ի որոշումը՝ գնման ընթացակարգը շարունակելով ընդհատման պահից:

ՀՀ Շիրակի մարզի Գյումրու համայնքից հոգուտ «Մալկ» ՍՊ ընկերության բռնագանձել 80,000.00 ՀՀ դրամ՝ որպես նախապես վճարված պետական տուրքի գումար:

ՀՀ Շիրակի մարզի Գյումրու համայնքից հոգուտ «Մալկ» ՍՊ ընկերության բռնագանձել 150,000.00 ՀՀ դրամ՝ որպես փաստաբանի խելամիտ վարձատրության գումար:

ՀՀ պետական բյուջեից «Մայկ» ՍՊ ընկերությանը վերադարձնել 120,000.00 ՀՀ դրամ՝ որպես ավել վճարված պետական տուրքի գումար:

Վճիռն օրինական ուժի մեջ է մտնում հրապարակման պահից և կարող է բողոքարկվել ՀՀ վերաքննիչ քաղաքացիական դատարան՝ հրապարակելու օրվանից մեկամսյա ժամկետում:

Վճիռը կամովին չկատարվելու դեպքում այն կկատարվի դատական ակտերի հարկադիր կատարումն ապահովող ծառայության միջոցով՝ պարտապանի հաշվին:

Դատավոր՝ **Գրիգորի Վարդանյան**



Սույն փաստաթղթի իսկությունը հնարավոր է ստուգել <https://verify.e-gov.am> կայքում մուտքագրելով IE2B-1D76-4173-99F9 հսկիչ համարը կամ սքանավորելով QR կոդը:

Տվյալ ֆայլերին կարող եք ծանոթանալ նաև մուտք գործելով "Էլեկտրոնային դատավարություն" համակարգ՝ cabinet.armlex.am